

甘寧青史略正編

楊思題
卷八

簽



甘寧青史略卷之八

唐宣宗以事誠為河東誠為河東誠為河東度使

宣宗以事誠為河東誠為河東誠為河東度使

宣宗以事誠為河東誠為河東誠為河東度使

宣宗以事誠為河東誠為河東誠為河東度使

宣宗以事誠為河東誠為河東誠為河東度使

宣宗以事誠為河東誠為河東誠為河東度使

宣宗以事誠為河東誠為河東誠為河東度使


宣宗以事誠為河東誠為河東誠為河東度使

宣宗以事誠為河東誠為河東誠為河東度使

甘寧青史略正編

楊思題
卷八

簽



甘寧青史略正編卷八

內政部註冊

版權所有



不許翻印

甘寧青史略 正編廿六卷
附編十四卷

定價全部二十五元

著者 隴東慕少堂

出版者 蘭州俊華印書館

代表人 郭偉堂

發行者 蘭州俊華印書館

東大街五十七號

中華民國二十五年十二月初版

甘寧青史略卷之八

唐宣宗

王中

大中六年夏六月以畢誠爲邠甯節度使

誠爲翰林學士時黨項據河西宣宗嘗召訪邊事誠援質古今

條破羌狀甚悉帝悅曰吾將擇能帥者孰謂頗牧在吾禁署卿爲朕行乎誠唯唯卽拜刑部侍郎出爲邠甯節度河西供軍安撫事誠到軍遣吏懷諭羌人皆順向時戍兵常苦調饟乏誠募士置屯田歲收穀三十萬斛以省度支經費詔書嘉美

癸酉

七年閏六月吐蕃餘衆寇邠甯州兵擊却之

丙子

十年冬十月以邠甯慶節度使檢校禮部尙書邠州刺史上柱國賜紫金魚

袋畢誠爲檢校兵部尙書

案唐百官皆有隨身魚符新書車服志高祖入長安罷隨竹使符班銀菟符其後改爲銅魚符又云隨身親王以金庶官以銅皆題其位姓名官有貳者加左右皆盛以魚袋三品以上飾以金五品以上飾以銀刻姓名去官納之不刻者傳佩相付是魚袋爲盛魚符之囊當以嫌帛爲之卽隨身魚符亦必題官位姓名唐亡時制遂廢而藩屬有用之者宋時高麗賀金正表末云使朝散大夫衛尉少卿輕車都尉賜紫金魚袋李仲衍奉表稱賀以聞所謂賜紫金魚袋豈沿用唐制耶

恢復河湟民氣發揚時代 宣宗

蘭州俊華印書館出版

甘寧青史略正編卷八

二

丁丑十一年春二月以邠州刺史充邠甯慶節度使畢誠管內營田觀察處置兼

充慶州南路救援鹽州及當道公路鎮塞糧料等使

秋八月以陸耽代盧簡求爲涇原節度使

耽時爲鹽州防禦押蕃落諸軍防秋都知兵馬使度支烏池催稅等使檢校右散騎

常侍鹽州刺史

九月以秦州刺史李承勛爲朝散大夫檢校工部尙書涇州刺史充四鎮北庭

涇原渭武節度等使

承勛光弼之孫也

冬十月以尙延心爲河渭都游奕使

先是吐蕃河渭州守將尙延心以國亡亦獻款秦州刺史高駢遂收河渭二州秦成防禦使李

承勛利其羊馬誘之入鳳林關居秦州之西承勛與諸將謀執延心誣云謀叛盡掠其財徙其衆於荒遠延心知之因承勛軍宴坐中謂承勛曰河渭二州土廣人稀因以飢疫唐人多內徙二州吐蕃皆遠遁於疊宕之西二千里間寂無人煙延心欲入見天子請盡帥部衆分徙內地爲唐百姓使西邊永無傷塵之警其功亦不愧於張義潮矣承勛欲自有其功猶豫未許延心復曰延心旣入朝部落內徙但惜秦州無所復恃耳承勛與諸將相顧默然翌日諸將言於承勛曰明公首開營田置使府擁萬兵仰給度支將士無戰守之

勞有耕市之利若從延心之謀則西陲無事朝廷必罷使府省戍兵還以秦州隸鳳翔吾屬無所復望矣承助以爲然即奏延心爲河渭都游弈使統其衆居之

案唐六典天下二十六關京兆則有藍田關華州則有潼關同州則有蒲津關岐州則有散關隴州則有大震關原州則有隴山關長安則有子午關駱谷關庫谷關同州則有隴門關會州則有會甯關原州則有木峽關石州則有孟門關嵐州則有合河關雅州則有印峽關彭州則有靈崖關安西則有鐵門關興州則有興城關渭津則有中關涼州則有甘泉關百牢關河州則有鳳林關利州則有石門關延州則有永和關綿州則有梧嶺關龍州則有涪水關河州亦有二十四關而鳳林爲最險杜甫詩鳳林戈未息指河州而言也

慕壽祺曰建牙開府出鎮邊城豈爲一身利祿計乎吐蕃酋長尙延心願徙內地諸將故爲阻撓鮮不曰明公所以置使府擁萬兵者爲吐蕃常寇邊耳何不留此輩爲公重在諸將但知有家不知有國其心固無足論獨怪承助以名臣之後而亦爲於衆嗟呼至此尙何言哉尙何言哉

十二丁將係爲鳳翔隴右節度觀察處置等使時係以鳳翔尹兼御史大夫中散大夫權知刑部尙書上柱國賜紫金魚

袋檢校戶部尙書

戊寅十二年春三月鹽軍使楊玄价殺其節度使劉皋

恢復河湟民氣發揚時代 宣宗

蘭州俊華印書館出版

甘寧青史略正編卷八

四

案史宣宗名忱憲宗等十三子故稱皇太叔在位十三年年號大中帝性明察沈斷用法無私從諫如流中惜官爵恭謹節儉惠愛民物史稱爲小太宗惟以位爲樂諱言嗣續至以是罷宰相裴休崔慎由大中十三年秋八月帝崩於咸甯殿年五十宦官少子鄆王澄是爲懿宗

懿宗庚辰咸通元年秋八月以河東節度使裴休爲鳳翔隴右節度使

原任鳳翔隴右節度使盧

簡求改爲太原尹北都留守河東節度使

壬午三年喟末始入貢

喟末亦曰渾末吐蕃之奴號也吐蕃每發兵其富室多以奴從軍中居散處耕牧及論恐熱作亂奴多無主遂相糾合爲部落散在甘肅

瓜沙河渭岷廊疊宕之間吐蕃微者弱反依附之至是入貢

癸未四年春三月歸義軍奏克復涼州

唐初分天下爲十道河西隴右三十三州涼州最爲大鎮開元天寶中置八監牧馬三十萬其西又

置安西都護府羈縻西蕃三十國軍鎮監務大小三百餘戍守之兵皆取涼州節度及祿山犯闕肅宗在靈武盡招河西戍卒收復兩京涼州遂陷於吐蕃至是義潮自將蕃漢兵

七千人復涼州遣使入告

案敦煌石室有唐宗子隴西李氏再修功德記碑文字剝落不可盡讀味其文義李氏唐之宗室世居敦煌年纔弱冠爲張義潮所知從軍擊吐蕃殄勦寇於河蘭滅獯戎於瀚海

以功授涼州司馬檢校國子祭酒兼御史中丞賜紫金魚袋賜金銀寶貝其名闕不可考而明達明德明詮皆其兄也宗子之名其爲明字派無疑其妻南陽郡君張氏卽義潮之第十四女也其長子宏愿沙州刺史兼節度副使檢校右散騎常侍御史大夫上柱國次子宏定瓜州刺史墨離軍押蕃落等使兼御史大夫三子宏諫甘州刺史兼御史中丞上柱國四子宏益朝議郎前守左神武君長史兼侍御史其敘義潮官階則云萬戶侯太保河西隴右一十一州節度與正史略有不同也其立碑則歲在甲寅十月庚申朔五日中子唐昭宗乾甯元年也至其再修功德蓋李氏之先曾於莫高窟建佛寺李君之父贈右散騎常侍重爲整理後李君之妻張義潮之女又於巖窟繪畫佛像故爲再修因作此記備載李氏三世官閥政事及修寺梗概刻石置于佛洞清光緒二十九年敦煌石室發見李氏立碑處圖畫極工以不見風日金碧粉墨之色不變可爲塞外之美術品矣慕壽祺曰涼州克復爲最晚吐蕃餘衆如何死守蕃漢兵士如何會攻運籌帷幄如何計畫從征將校是何姓名新舊唐書曾無一言及此是亦修史者之缺憾也使義潮生長中原又得文人爲作佳傳則與漢寶融晉張軌輝映後先矣萬戶侯何足道哉

置天雄軍於秦州

以成河渭三州隸焉

案甘肅地名之混淆變古者淆之實冒古者淆之抑亦考古者淆之也以秦州而言漢置天水郡矣後魏又別置天水郡東漢改漢之天水爲漢陽矣隋又改魏之天水爲漢陽後唐於天水之南境分立天水縣矣宋又立南北天水城秦州立自曹魏定於秦始然魏之秦州統隴右一道晉之秦州統七郡皆與今州境相懸也而齊梁僑置之秦州又非魏晉

甘寧青史略正編卷八

六

之秦州其南秦州北秦州亦非元魏之南秦州西魏之北秦州非皆冒古而淆之歟况乎考訂之家各徇己見闕駟以略陽爲冀城常璩以河池爲仇池樂史以隴縣爲隴西以後唐之天水爲古縣顧祖禹位平襄於伏羌西南顧親於秦州東南紀載多歧考辯滋舛欲衷一是豈易言哉

夏五月以神策大將軍馬舉爲秦州經略招討使以右金吾大將軍李宴元爲

夏州刺史朔方節度

是歲置涼州節度領涼洮西鄯河臨六州治涼州

於是河鄯西三州隸涼州節度發鄯州二千五百人戍之

案後唐明宗時權知西涼府留後孫超遣大將拓拔承誨來貢明宗召見承誨云涼州西北至甘州五百里舊有鄯人二千五百爲戍卒及黃巢之亂遂爲阻絕今城中漢戶百餘皆戍卒子孫衣服言語略如漢人郭外數十里尙有漢民陷沒者耕作詔授超河西車節度使留後超卒有折連嘉繼之甘州亦伊等所轄也

慕壽祺曰唐之衰也關外四鎮縱不能恢復涼州近在咫尺屏蔽西京且其地土馬精強豈無可用之兵而煩彼鄯州二千五百人遠戍於甘涼邊地耶古之爲天下者患德之不足而不患地之不廣患民之不安而不患兵之不精果能以德服遠人視民如同胞則河西爲中國之心腹調人屯戍不必煩內地也但發隴右諸州兵內安外甯綽然有餘裕矣故治甘肅莫妙於用土兵

甲申五年升秦成兩州經略天雄軍使爲天雄軍節度觀察處置營田押蕃落等

使先是大中三年升秦州防禦守捉使爲秦成兩州經略天雄軍使是歲秦州隸天雄節度增領階州

丙戌七年鄆州城使張季頤與論恐熱戰破之收器鎧以獻

吐蕃餘衆寇邠甯節度使薛弘宗却之

冬十月吐蕃拓跋懷光斬論恐熱傳首京師回鶻僕固俊與吐蕃戰拓跋懷光斬恐熱首傳京師吐蕃自是衰絕乞離胡君

臣不知所終其部衆有奔秦州者尙延心邀擊破之奏遷於嶺南於是河隴肅清朝廷無西顧之憂

案舊唐書安史之亂西庭二州相繼陷於吐蕃宣懿之世吐蕃論恐熱作亂張義潮收復河西驅逐吐蕃論恐熱敗走西州時有回鶻大酋僕固俊者爲北庭首領義潮檄其起兵與吐蕃大戰會拓跋懷光斬論恐熱傳首京師僕固俊使達干米懷玉來朝且獻俘因請命遂掠取西州輪臺等城故西州有克韓國新復黑州韓王皆其後焉

丁亥八年春二月歸義節度使張義潮入朝七年七月義潮遣使貢方物至是義潮請覲見命其族子淮深守歸義

慕壽祺曰余嘗論五代之末中國多事惟制西戎爲得之中國未嘗遣一騎一卒遠屯塞上但任土豪爲衆所服者封以州邑征賦所入足贍兵養士西顧無邊鄙之虞當此之時

恢復河湟民氣奮揚時代 懿宗

蘭州俊華印書館出版

甘寧青史略正編卷八

八

元昊之先世相繼爲銀州防禦使是士豪爲衆所服者世居朔方稱雄沙磧儼然一唐末之藩鎮也豈知有唐末葉沙州首領張義潮其力已足以制西戎而朝廷疑之詔爲右神武統軍留之京師賜第及田後中原多故歸義城多沒嗚末未幾張氏後絕沙州人復推曹義金爲首領遂授歸義節度使可與義潮輝映後先矣

壬辰

十三年秋八月歸義節度使張義潮卒以其長史曹義金代之

是後中原多故朝命不及回鶻

陷甘州餘州亦爲羌胡所據義金所守者瓜沙二州而已

羅振玉謂直齋書錄解題卷七載敦煌新錄一卷叙張義潮本末作者不著名氏而書成於天成四年云云是此書之成距義潮卒僅數十年耳所記必得其實陳氏當南宋末季尙見其書不知歐宋諸公及司馬溫公何以不一采及又觀近古堂書目及天一閣進呈書目均載敦煌新錄則此書直至清乾隆時海內尙有傳本當日館臣不采入四庫全書考古者憾焉

慕壽祺曰近之小軍閥得一縣之地其政權遂永遠把持矣况蘭河臨廓十餘州之地悉爲張義潮所取得者乎假使倡言自治則固取諸吐蕃之手唐之君若臣其如彼何哉乃舉優先占領權奉還國家此其人磊磊落落可告天下後世而無愧以其毫無自私利心也誰秉國鈞因其入覲留諸京師以至於死若惟恐其割據也者甯不爲邊人所竊笑耶

案史懿宗名淮賓宗子在位十四年號咸通當是時歸義軍節度使張義潮入朝不令其還鎮前所收復之瓜沙十一州不暇疆理是以內盜迭興南詔再亂民逐其上而唐室大壞矣帝以咸通十四年秋七月崩於咸甯殿年四十一普王儼即位時年十二是為僖宗

僖宗

甲午

乾符元年回鶻為溫末所敗

回鶻據甘州屢求冊命上遣郝宗莒詣其國擬冊立其酋長為可汗會回鶻為吐蕃奴部溫末所敗

逃遁不知所之

案文獻通考貞觀中滅高昌以其地為西州安史之亂其地陷沒復自為國語訛亦曰高昌後有回鶻入其國故又謂之回鶻後五代時嘗入貢宋太祖乾德三年西州回鶻可汗遣僧法淵獻拂牙琉璃器琥珀蓋太宗太平興國六年其王始稱西州外生師子王阿斯蘭漢遣都督麥索溫來獻是年五月宋遣供奉官王延德等使高昌然則僖宗時郝宗莒還所云回鶻逃遁不知所之者以其地考之殆由甘州出玉門關輾轉以至吐魯蕃地也

丙申

三年夏六月乙丑雄州地震裂水湧出

壞州城及公私廬舍皆盡七月辛巳雄州地又震

案一統志雄州唐初所置徙治承天堡為行州故城在甯夏衛靈州城西南後唐明宗天成三年秋八月以韓瑊為朔方軍節度使靈武雄警甘肅等州觀察使是雄州之名五代時未廢

甘寧青史略正編卷八

十

丁酉四年秋七月鹽州軍亂逐刺史王承顏詔貶承顏象州司戶

承顏素有政聲以嚴肅爲驕卒所逐

朝廷與貪暴致亂者同貶時人惜之

辛丑

中和元年春三月詔以涇原節度使程宗楚爲副都統與都統鄭畋討黃巢

黃巢起廣州自號義軍百萬過江南無人拒捍潼關不守西入長安帝倉皇出幸成都至興元以鳳翔節度鄭畋爲京城四面行營都統畋奏以宗楚爲副都統又涇原將唐弘夫敗巢軍於興平巢遣將尙讓林言等率衆五萬寇鳳翔畋使司馬唐弘夫伏兵要害自以兵數千陳於高岡賊以畋書生輕之鼓行而前伏發大敗於龍尾陂斬首二萬餘級畋遂

傳檄討賊

案唐書中和元年三月京城四面諸營都統鄭畋會同涇原諸將傳檄天下合兵討賊其文曰鳳翔隴右節度使尙書左僕射同中書門下平章事充京西諸道行營都統上柱國榮陽郡開國公食邑二千戶鄭畋移檄告諸藩鎮郡縣侯伯牧守將吏曰夫屯享有數否泰相公如日月之蔽虧似陰陽之愆伏是以漢朝方盛則莽卓肆其姦兇夏道未衰而黎浞聘其殘酷不無僭越尋亦誅夷卽知妖孽之生古今難免代有忠貞之士力爲匡復之謀我國家應五運以承乾躡三王之垂統綿區飲化卽宇歸仁十八帝之鴻猷銘於神鼎三百年之睿澤播在人謠加以政尙寬弘刑無枉濫翼勤行於王道孜孜務恤於生靈足可傳寶祚於無窮御瑤圖於不朽近歲螟蝗作害旱暵延災因令無賴之徒遽起亂常

之暴雖加討誅猶肆猖狂草賊黃巢奴僕下才豺狼醜類寒耕熱耨不勵力於田疇偷食靡衣務偷生於剽奪結連兇黨驅迫平人始擾害於里閭遂侵凌於郡邑屬以藩臣不武戎士貪財徒加討誅之名竟作遷延之役致令滋蔓累有邀求聖上愛育情深含弘道廣指萬方而罪已用百姓以爲心假以節旄委之藩鎮冀其後革免困疲羸而殊無犬馬之誠但恣蟲蛇之毒剽掠我征鎮覆沒我京都凌辱我衣冠屠殘我士庶視人命有同於草芥謂大寶易取如弈碁而乃竊據宮闈僞稱名號爛羊頭而拜爵續狗尾以命官蠶巢幕以誇安魚在鼎而猶戲殊不知五侯拘怒期分項羽之屍四塚既成待葬蚩尤之骨猶復廣侵田宅濫積貨財比谿壑以難盈類鳥鳶而縱攫茫茫赤縣僅同夷貊之鄉惴惴黔黎若在狴牢之內固已人神共怒行路傷心收謬領藩垣榮兼將相每枕戈而待旦常泣血以忘餐誓義士忠臣共翦狐鳴狗盜近承詔命會合諸軍皇帝親御六師即離三蜀霜戈萬隊鉄馬千羣雕虎嘯以風生應龍驤而雲起淮南高相公會關東諸道百萬雄師計已夏初會於關內畋與涇原節度使程宗楚秦州節度使仇公遇等已驅組練大集關畿爭麾隴右之蛇矛待掃關中之蟻聚而吐番黨項以久被皇化深憤國讎願以沙漠之軍共獻盪平之捷此際華戎合勢藩鎮連衡旌旗煥爛於雲霞劍戟晶熒於霜雪莫不持繩待試賈勇爭先思垂竹帛之功誓雪朝廷之恥矧茲殘孽不足殄除况諸道世受國恩身縻好爵皆貯匡邦之略咸傾致主之誠自函洛構氛鑾輿避狄莫不指銅駝而背裂望玉壘以魂銷聞此勤王固宜投袂更希憤激速殄寇讎永圖社稷之勳以報君親之德迎鑾反正豈不休哉時駕在坤維音驛阻絕以爲朝廷無能復振及畋傳檄諸藩聳動各治勤王之師巢賊聞之大懼自是賊騎不過京西是年冬十月鳳翔行軍司馬李昌作亂畋即日西赴行在詔以昌言爲鳳翔節度使

夏四月丁亥朔方節度使副都統程宗楚爲黃巢所殺

時唐宏夫屯渭北王重榮屯渭苑王處存屯渭橋拓

拔思恭屯武功鄭畋屯藍屋宏夫乘龍尾之捷進薄長安黃巢率衆東走程宗楚先入宏夫繼至軍士釋兵入第舍掠金帛姬妾賊露宿霸上詢知官軍不整還襲之大戰長安中

宗楚宏夫皆死軍士死者十八九巢復入長安

慕壽祺曰昔李晟復長安入城三日而人不知所謂節制之師也而朱泚亦無還襲之能力時黃巢據長安程宗楚未之朔方率邠甯之師與諸軍會攻長安宗楚先入唐宏夫等續至黃巢走當是時使宗楚令軍中曰凡吾所以來爲國家討賊京師各第舍所有金帛姬妾勿掠兵士亦可以就我範圍計不出此縱兵殃民巢復入長安宗楚弘夫死豈非虜

掠之誤事哉

秋七月以朔方軍節度使拓拔思恭爲京城南面都統

拓拔思恭本黨項羌也初爲宥州刺史糾合夷夏兵

會鄜延節度使李孝昌同盟討賊是年九月丙午拓拔思恭與黃巢戰於東渭橋敗績

九月忠武監軍使楊復光以河西之師屯武功

壬寅二年春二月丙戌以邠寧節度使朱玫爲河南都統諸防遏使

玫後與李昌符以邠岐兵追逼

乘輿上復走入大散關攻還京遣王行瑜寇興州又立襄王溫稱帝改元

是歲夏州節度使賜號定難節度

夏四月諸道行營都統王鐸以涇原等道兵討黃巢

鐸將兩川興元之兵屯靈感寺涇原屯京西易定河中屯

渭北邠甯鳳翔屯興平保大定難屯渭橋中武屯武功官軍四集巢勢日蹙號令所與不出同華翌年五月李克用破黃巢收復長安巢至瑕邱爲其將林言所斬並斬其妻子首獻以

案北夢瑣言王鐸重德明家位望崇顯率由文雅非定亂之才荊州失守復把潼關黃巢差人傳語云令公儒生非是我敵請自退避無污鋒刃於是隨僖宗播遷於蜀再授都統欲雪前恥以成大勳至是以涇原等道兵進逼長安又以徽縣木皮嶺地極險要置關於此以遮秦嶺大勳不成竟罹非命初落都統後有詩其要云勅詔已聞來闕下檄書猶未遍軍前亦有志而未之逮也

甲辰四年秋八月進李克用爵隴西郡王

初克用有叛國之罪既乃赦而用令其討賊立功中和三年夏五月克用破黃巢收復長

安其時諸道兵四集而克復之功乃在沙陀至是封爲隴西郡王賞有功也

方鎮跳梁冠履倒置時代 僖宗

蘭州俊華印書館出版

甘寧青史略正編卷八

十四

午光啓二年夏六月朱玫遣將王行瑜率邠甯河西之師五萬屯鳳州

玫時爲邠甯節

度使去歲六月辛卯及黃巢戰於興平敗績至是遣行瑜屯兵鳳州

冬十月楊晟襲文州陷之逐刺史遂據成文茂等州

先是廣明元年冬十二月黃巢入長安上自駱谷趣興元

詔諸道出兵收復京師感義軍節度使楊晟西奔據成文茂等州尋爲王建所殺

丁未三年春正月以邠州都將王行瑜檢校刑部尙書兼邠州刺史邠甯慶節度

使檢校猶後世之加銜也

案漢制以本官任他職者曰兼常惠以右將軍兼典屬國是也以高官攝卑職者曰領劉向以光祿大夫領校書是也唐制以本職署高官者曰權以侍郎權尙書之類是也以軍官加京秩者曰檢校以某某檢校太師檢校司徒之類是也昔東晉時有檢校御史沿襲至唐遂爲虛榮宋因之自檢校太師至各部員外郎皆是清陝甘總督例加兵部尙書銜卽之唐檢校也

秋七月以上柱國隴西郡公食邑一千五百戶李茂貞檢校司空同平章事兼